

Urden da diever

Biblioteca chantunala dal Grischun





Sa basond sin l'art. 45 al. 1

da la constituziun chantunala relaschà da la regenza ils 19 da matg 2009

I. Disposiziuns generalas

Art. 1 – Circul d'utilisadras e d'utilisaders

1 La biblioteca chantunala è publica ed accessibla a tut las persunas (utilisadras ed utilisaders).

2 En cas da persunas senza domicil fix po l'emprest vegnir restrenschi u i po vegnir pretendida ina prestaziun da garanzia.

Art. 2 – Uras d'avertura

Las uras d'avertura da la biblioteca chantunala vegnan fixadas dal departament cumpetent sin dumonda da la direcziun da la biblioteca e vegnan communitgadas publicamain.

Art. 3 - Inscriziun

1 Mintga persuna vegn inscritta a chaschun da l'emprim emprést e survegn ina carta da biblioteca. Las personalias vegnan controlladas dal personal da la biblioteca.

2 La carta da biblioteca è persunala e n'è betg transferibla. Midadas dal num e da l'adressa sco er la perdita da la carta da biblioteca ston vegnir communitgadas immediatamain a la direcziun da la biblioteca. Il remplazzament da la carta da biblioteca vegn mess a quint.

3 Las datas da las utilisadras e dals utilisaders vegnan duvradas mo per intents bibliotecars entaifer la rait da bibliotecas.

II. Diever ed emprést dals mediums

Art. 4 – Diever

1 Tut ils servetschs da la biblioteca chantunala vegnan mess a quint u premettan che l'utilisadra u che l'utilisader possedia ina carta da biblioteca.

2 Mediums en la partiziun a liber access pon vegnir consultads al lieu senza carta da biblioteca.

Art. 5- Termins d'emprest

Ils termins d'emprest per ils singuls tips da mediums vegnan fixads da la direcziun da la biblioteca e communitgads publicamain.

Art. 6 – Observaziun dals termins d'emprest

1 La responsabladad per observar ils termins d'emprest è chausa da l'utilisadra u da l'utilisader.

2 Sche mediums na vegnan betg returnads entaifer il termin fixà, vegnan incassadas taxas d'admoniziun, suenter ch'il termin d'emprest è scadi.

Art. 7 – Disposiziuns spezialas

1 L'effectiv da preschientscha da la biblioteca chantunala dastga vegnir consultà da princip mo en las localitads da la biblioteca. Unicats e mediums rars èn accessibels en encliegentscha cun la direcziun da la biblioteca.



₂ Copias or da gasettas ed or da mediums prezios dastgan vegnir fatgas mo dal personal da la biblioteca. Il resguard e l'observaziun dals dretgs d'autura u d'autur è chausa da las utilisadras e dals utilisaders.

₃ Per tadlar e per guardar purtaders da mediums d'archiv audiovisuals che na dastgan betg vegnir emprestads stattan a disposiziun apparats en la biblioteca chantunala.

Art. 8 – Tractament cun quità

₁ Las utilisadras ed ils utilisaders èn obligads da tractar cun quità la proprietad da la biblioteca sco er da returnar ils mediums emprestads en quel stadi, en il qual ellas ed els als han retschavids.

₂ Tar l'emprest vegni premess ch'il medium sa chattia en in bun stadi.

Art. 9 – Meds d'agid technics

₁ Meds d'agid technics sco computers, apparats per tadlar discs u per guardar films e DVDs e.u.v., che la biblioteca chantunala metta a disposiziun a sias utilisadras ed a ses utilisaders, na dastgan betg vegnir manipulads. Eventuals custs da restabiliment vegnan mess a quint a l'utilisadra u a l'utilisader.

₂ Cuntravenziuns pon vegnir denunziadas.

Art. 10 – Reglament da chasa

₁ Ulteriuras disposiziuns che concernan il cumportament en la biblioteca chantunala sa chattan en il reglament da chasa.

₂ Las directives che vegnan dadas dal personal da la biblioteca per mantegnair il reglament da chasa ston vegnir observadas en mintga cas.

III. Taxas

Art. 11 – Servetschs suttamess a taxas

₁ Per ils servetschs da la biblioteca chantunala vegnan incassadas las taxas che vegnan numnadas en l'agiunta.

₂ Deliberads da la taxa d'utilisaziun annuala e mensila èn persunas sut 20 onns sco er studentas e students ch'èn immatriculads ad ina scola auta chantunala u ad ina scola professiunala superiura.

₃ Sch'in medium da la biblioteca va a perder, vegnan mess a quint ils custs da reacquisiziun sco er supplementarmain taxas administrativas.

IV. Ulteriuras disposiziuns

Art. 12 – Exclusiun da la responsabladad

₁ La responsabladad da la biblioteca chantunala vegn esclusa en la dimensiun ch'è admissa da la lescha.

₂ En spezial vegn esclusa mintga responsabladad per donns che vegnan chaschunads da purtaders da datas audiovisualas.

Art. 13 – Cuntravenziuns

En cas da cuntravenziuns cunter l'urden da diever, en cas da disturbis dal manaschi da la biblioteca sco er en cas da donns vi da la proprietad da la biblioteca che vegnan chaschunads intenziunadamain po il dretg



d'utilisaziun vegnir restrenschi, en cas da grevas cuntravenziuns u da cuntravenziuns repetidas po el vegnir sistì per in tschert temp.

V. Disposiziuns finalas

Art. 14 – Aboliziun dal dretg vertent

L'urden da diever da la biblioteca chantunala dal Grischun dals 20 da december 1994 1) vegn abolì.

Art. 15 – Entrada en vigur

Questa ordinaziun entra en vigur il 1. da zercladur 2009.



Taxas da la biblioteca chantunala

Per ils servetschs da la biblioteca chantunala vegnan incassadas las suandantas taxas:

1. Taxa d'utilisaziun

- | | |
|--------------------------------------------------------------------|-------------|
| a) Taxa d'utilisaziun annuala (consegna da la carta da biblioteca) | 30.– francs |
| b) Taxa d'utilisaziun mensila (consegna da la carta da biblioteca) | 10.– francs |

2. Remplazzament da la carta da biblioteca

10.– francs

3. Custs da spediun

- | | |
|-------------------------------------------------------|-------------|
| a) Chantun Grischun (pauschala per pachet u per brev) | 10.– francs |
| b) Rest da la Svizra | tenor custs |

4. Admoniziuns (per medium)

- | | |
|-----------------------------------------------------|-------------|
| a) 1. Admoniziun | 10.– francs |
| b) 2. Admoniziun | 20.– francs |
| c) 3. Admoniziun | 35.– francs |
| d) Quint (en cas d'ina 3. admoniziun senza success) | 55.– francs |

5. Remplazzament da mediums pers

Custs da reacquisiziun dal medium che sto vegnir remplazzà plus ina taxa d'elavuraziun da 40.– francs (croda en cas d'ina cumpra persunala)

6. emprést per correspundenza

- | | |
|------------------|-------------|
| a) En Svizra | tenor custs |
| b) Da l'exteriur | tenor custs |

7. utilisaziun da l'internet en chasa

Utilisaziun curta fin maximalmain 15 minutas ina giada per di	gratuit
Per utilisadras e per utilisaders inscrits utilisaziun illimitada	gratuit

8. Clav da la chascha da segirezza persa

100.– francs

9. Reproducciuns

- | | |
|--------------------------------|-------------|
| a) fotocopias (pagina A4 u A3) | 0.20 francs |
| b) incumbensas da copiar | tenor custs |

Per servetschs speziels pon vegnir mess a quint taxas tenor il temp impundi u tenor ils custs a norma da las tariffas da cumpensaziun per servetschs da l'administraziun chantunala che vegnan furnids a terzas persunas.